



Broj: 04-GV-02-1362-3.1/18
Datum: 10.12.2018. godine

GRAD SARAJEVO
GRADSKO VIJEĆE
Predsjedavajući Gradskog vijeća

Predmet: Amandman na Prijedlog Odluke o izvršavanju Budžeta Grada Sarajeva za 2019. godinu koji je Gradonačelnik, svojim zaključkom, broj 01/04-05-6348/18 od 06.12.2018. godine, utvrdio i podnio Gradskom vijeću na razmatranje.

Na osnovu člana 124. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), Administrativna komisija Gradskog vijeća, na Prijedlog Odluke o izvršavanju Budžeta Grada Sarajeva za 2019. godinu, podnosi sljedeći

Amandman

U članu 13. (Realizacija sredstava namijenjenih za rad vijećnika i radnih tijela Gradskog vijeća) Prijedloga Odluke o izvršavanju Budžeta Grada Sarajeva za 2019. godinu, na kraju stava (1). prije tačke, dodaje se tekst koji glasi: „, osim dijela planiranih sredstava za naknadu za rad članovima Odbora za dodjelu “Šestoaprilske nagrade Grada Sarajeva” koja se realizira po osnovi odluke Administrativne komisije o visini naknade za rad članovima Odbora za dodjelu “Šestoaprilske nagrade Grada Sarajeva” u 2019. godini”.

Obrazloženje

U izdacima Budžeta Grada Sarajeva, na stavci 613900, između ostalog, planiraju se sredstva za naknade za rad radnih tijela Gradskog vijeća Grada Sarajeva, te se Odlukom o izvršavanju Budžeta uređuje i način izvršavanja planiranih sredstava.

Odlukom o platama i naknadama u organima Grada Sarajeva (“Službene novine Kantona Sarajevo, broj 38/17) u članu 13. (Naknade gradskim vijećnicima i članovima radnih tijela Gradskog vijeća) stav 3. propisno je “Članovima radnih tijela Gradskog vijeća, utvrđuje se pravo na naknadu, tako što se osnovica za obračun plate, utvrđena u skladu sa Zakonom, množi sa koeficijentom 0.30, i to za najviše dvije sjednice mjesečno po radnom tijelu.

Međutim, Odlukom o uslovima i načinu dodjele “Šestoaprilske nagrade Grada Sarajeva” („Službene novine Kantona Sarajevo”, broj 3/17 i 49/17), propisano je da Administrativna komisija Gradskog vijeća utvrđuje visinu naknade članovima Odbora za dodjelu “Šestoaprilske nagrade Grada Sarajeva”, a također, Odlukom je propisan i ograničen mandat i jasan djelokrug Odbora.

Budući da se naknada Odboru ne isplaćuje po osnovi Odluke o platama i naknadama, već po osnovi Odluke o uslovima i načinu dodjele “Šestoaprilske nagrade Grada Sarajeva”, odnosno odluke Administrativne komisije, to je potrebno i Odlukom o izvršavanju Budžeta Grada Sarajeva urediti izvršavanje sredstava koja se planiraju za rad ovog radnog tijela Gradskog vijeća.

Dostaviti:

- Predsjedavajućem Gradskog vijeća
- evidenciji
- a/a

Predsjedavajuća Administrativne komisije


Edina Gabela

